

'oha mealu cimo yuyupasɔ

mo yusuhngu to yaa pupuzu 'o mameoi, eupopoha'o ho  
pah'susufi 'e 'o'oko, isi yainca to mameoi, 'e yatatiskova  
tela bumemeala noyuci 'e iachi, meufngu tomo mav'ov'o ci ma'konvosɔ,  
honci maica, 'emo cihi ci cou 'upena honci mainenu na hia atngaso, na  
a'umtu nsousi o'atee tamia no hiasi yuyupasɔ.

ausuhcu okosi 'o puzu to pupuzu, tosvo ya'ei 'o mameoi, ho i'vaha  
sopuhngi to evi 'o pupuzu, aomomane micu e'cu'cunu 'o mameoi ho  
mainca, “ pantomo cihi ci cou, mo na'no yuyupasɔ, 'o atngasosi mo ei'mi to  
meoino ezoezoyusi. isi tohtasvuta to 'tohungusi 'omo maica, “ mo angu  
man'i 'e hotov'oha'u, mais'a uk'a cimo amso meoisi ci nte'o peela sii to  
afu'u 'oanu, ma te'o'so buacuma? ”

mo ec'ecachi ho na'no ma'kuv'o ho yainca, “ 'ia, ma te'o moeza  
eon'ozi 'e anana'o troisia 'oanu, ho m'eue nomo ausuhcu meoisi, tee sii  
no 'oanu ho ito mocmo ci macucuma, ataveisi te'ocu mi'usni 'e iachi ho  
yainca, mi'o na'no um'umnu ci cou, osko tanuua 'emo afu'u umnu ci  
macucuma, tee amso toaveiveia ho teko tititha, yaeza tiupopoha'va  
eabobonu ho 'amamimimo, te'ocuc'ola sohuyu ho fih'ta macoconohie. ”

tosvon'a 'o mameoi ho etamaku, aomomane micu i'vaho mainca,  
“ 'emo maica ci yatatiskova, isic'o 'aunpunpeni to yupasɔ 'e iachi, hoc'o  
iachisi na leasi ta'to'tohungva, na 'tohungusi mio yumio ta  
isi peipeis'ausna ho kuici thi'cia. ko'koen, te'o eusvuta muu, 'otela nomio  
no temu tititha no h'oyunsova ci 'oanu, honcieno 'i'ihosa ho  
ma'tipvongu, 'e nsou ta macicihi mo pepehe no 'oanu, 'e feango mo maezo  
pepehe no 'i'ihosa.”

honga ta isi eusvuta ta mameoi, mo na'no kiala ci cou eni, zouc'o 'o  
iachisi na isi sia no 'tohungusi. i'vaho mainca 'o mameoi, ” i'e 'o'oko tetola  
koe'ia 'o mamameoito, tetola himcocoveoi tala nouteuyunu, ngohia 'o  
mamameoi, ngohia 'o 'o'oko, tetola maezo acuhu nananghinghia, tela  
to'usni 'omo 'oha taso ci cou, 'otela yupa himkuzkuzo ho yupa koicu, 'otela  
matkuzkuzo no mocmo, 'otela pohcinghi to mocmo, 'ote emeknuyu, 'ote  
meo'ei, 'ote totpiei, la meot'ut'ucu to maameoi, asngucva titukca ho  
aululua 'e leato anana'va mia ci ceoconato.”

ec'uha tan'e to mameoi, micu asonu angu ngoseo, micuc'o m'ochumu  
to isi yusuhngi ngicu.

小氣的財主

長老坐在火塘邊督促訓勉大家。長老說：「有一個財主田產豐富，想把原有的倉庫改建成更大的來存放更多的食物和貨物。然後好好享受舒服地過日子。

長老說：「只想到自己的人內心是不充足的。不要因為外在的食物、衣物蒙蔽自己，生命、身體比較重要。」長老交代大家要尊敬珍惜長輩，要相親相愛、幫助族人，不可以騙人、不可以偷竊，要踏踏實實地做人，長老可能太累了就直接在火爐旁睡著了。